

Newspaper	UTUSAN MALAYSIA
Date	01 DECEMBER 2016

Buku menyelami pemikiran Perdana Menteri

KUALA LUMPUR 30 Nov. - Para perwakilan Perhimpunan Agung UMNO 2016 berpeluang untuk menyelami pemikiran Perdana Menteri, Datuk Seri Najib Tun Razak melalui buku *Wasatiyah dan Media Sosial: Mendepani Cabaran dan Fitnah yang dilancarkan sempena Perhimpunan Agung UMNO 2016*, hari ini.

Buku tersebut yang merupakan terbitan bersama Institut Terjemahan dan Buku Malaysia (ITBM) serta Institut Wasatiyyah Malaysia (IWM) merupakan perincian pemikiran Najib dalam menghadapi gelombang lambakan maklumat yang mengandungi unsur fitnah dalam konteks pengurusannya di negara ini.

Pengarah Urusan ITBM, Mohd. Khair Ngadiron berkata, antara intipati yang terkandung dalam buku tersebut adalah strategi dan kaedah yang digariskan oleh Perdana Menteri untuk menangani cabaran media sosial pada masa kini.

“Buku ini merupakan ucapan-



UM - 1/12/2016

Buku ini merupakan ucapan-ucapan Perdana Menteri yang menyentuh mengenai kepentingan teknologi media sosial yang kita kumpul dan kemudian dibukukan.”

MOHD. KHAIR NGADIRON
Pengarah Urusan ITBM

ucapan Perdana Menteri yang menyentuh mengenai kepentingan teknologi media sosial yang kita kumpul dan kemudian dibukukan.

“Beliau menyentuh mengenai kaedah yang perlu diterapkan bagi mengelakkan masyarakat berkiblatkan media sosial sehingga menolak terus prinsip fiqh tabayyun,” katanya ketika ditemui pada majlis pelancaran

buku itu di Pusat Dagangan Dunia Putra (PWTC) di sini.

Majlis pelancaran buku itu disempurnakan oleh Perdana Menteri di ruang pameran kartun dan komik IWM dan Kelab Kartunis Malaysia (KKM) di tingkat tiga PWTC.

Menurut Mohd. Khair, selain kerangka pemikiran Najib, buku tersebut juga mengandungi tulisan Penasihat Agama kepada Perdana Menteri, Tan Sri Dr. Abdullah Md. Zin yang berpendapat terdapat keperluan masyarakat untuk bertabayyun iaitu berhati-hati serta berteliti dengan media sosial.

“Kaedah ini menurut Abdullah merupakan usaha dakwah bagi mencegah masyarakat disogok berita fitnah sehingga kesucian agama dipersendakan,” jelasnya.

Buku setebal 47 halaman itu dijual pada harga RM20 senaskhah dan boleh didapati di pameran kartun dan komik IWM dan ITBM sempena perhimpunan tersebut.